

道德真經玄德纂疏卷之十八

覆一

御製

天地定位 陰陽協和 星辰順度 日月昭明
 寒暑應候 兩陽以時 山嶽靖謐 河海澄清
 草木蕃廩 魚鼈咸若 家和戶寧 衣食充足
 禮讓興行 教化修明 風俗敦厚 刑罰不用
 華夏歸仁 四夷賓服 邦國鞏固 宗社尊安
 景運隆長 本支萬世 正統十年十一月十一日



道德真經玄德纂疏卷之十八

覆

唐玄宗御註并疏

河上公嚴君平李榮註

西華法師成玄英疏

濛陽強思齊纂

用兵有言章第六十九

用兵章所以

明守持三寶之人能會古之極道故
次此章即明此人雙遣空有不捨大
慈就此一章義開四別第一明接物
運權示根塵總幻第二重辯前義以
顯真空第三明捨慈之人輕敵失
道第四明涉境運智無出大慈
第一明接物運權示根塵總幻夫唐堯為

君誅共工而蕩惡大禹作乂斬防風
而示威湯放桀於鳴條武梟紂於牧
野玄女灼灼白紵亭亭雖外戰於凶
人終內慙於善勝老君明戒用兵有
言退一尺則我所先行進一寸則吾
將不敢恐亡厥寶所以慎之歎我浮
生沉迷莫悟豈知高鳥盡而良弓藏
敵國滅而謀臣死軍井未造將不言
渴軍飯未炊將不言飢雖然白起賜
死於秦庭韓信見誅於漢獄何不仰

有言

二 踈之軌掛冠東門慕四皓之風養
渴南嶺尊大聖明訓知止足惟我身
常存豈有
幾亡矣

御註老君傷時輕殘人於兵故託古以陳

誠有言者謂下文○御疏老君疾時輕敵

致禍樂戰殺人故託古以申誠所稱有言
謂下句也○河上公曰陳用兵之道老子
疾時用兵故託已設其義○榮曰引古兵
法○成疏用兵謂權智攝化蒼生亦是修
行人用六根涉於塵境有言者有用兵之

法言在下文

吾不敢爲主而爲客

御註吾不敢爲主而爲客不敢進寸而退
尺主有動作則生事而貪客無營爲則用
慈自守善守則全勝生事則敗亡進雖少

不能無事退雖多不失謙讓故不敢進寸
而退尺爾○御䟽吾者用兵之人也先唱
為主後應為客主先唱示生事而貪客後
應示以慈自守欲明古者用兵常有誠今
當須以慈自守不可生事而貪故云不敢

覆一

二

為主而為客者也○河上公曰吾不敢為
主主先也先舉兵也而為客客者和而不
唱用兵常承天而後動也○榮曰在國先
舉為主在陣先動為主先舉先動僑盈必
危今欲保全故云不敢為主和而不唱後

而不先故言而容也○成疏主我身也容
前敵也根塵兩空物我俱幻既無身之能
緣亦無前塵之可染也

不敢進寸而退尺

御疏夫以道退守則善勝進兵取強則敗
亡故進雖少猶傷於貪退雖多愈得謙讓
今鄙其競爭則云不敢進寸尚其慈讓故
云而退尺也○河上公曰侵人境界利人
財寶爲進閉門守城爲退○巖曰幸彼還
也恐人財殫力屈○榮曰不以兵強外侵

故云不進寸而以積德內守故云退尺也
○成疏進取也退捨也寸少以況無尺多以況有也既而境智雙遣根塵兩幻體茲中一離彼兩偏故無為之可取亦無有為之可捨也

第二重辯前義以顯真空

覆一

三

是謂行無行

御註為客退尺不與物爭雖行應敵與無行同○御疏夫行師在乎止敵貴乎不爭今為客退尺善勝不爭雖行應敵與無行

同矣○河上公曰彼遂不止爲天下賊雖
行誅之不行執也○禁曰兵由彼起我實
不行應物而行無心而動行無行也○成
䟽旣遣蕩有無又洞忘境觀故以無行爲
行也

攘無臂

御䟽註云攘臂所以表怒今善戰不怒故
若無臂可攘故曰攘無臂○河上公曰不
怒若無臂可攘也○嚴曰示不傷人也先
發號施令先服者賞後服者傷小下者利

大下者昌有罪者免有能者官若無臂而
憑怒○榮曰怒而行兵用兵所以攘臂為
客退尺不假臂以攘之故言攘無臂也○
成䟽隳肢體故無臂可攘

仍無敵

御註仍引也引敵者欲爭不爭故若無敵
可引○御䟽仍謂引也夫引敵欲有所爭
今以不爭為德則是無敵可引故曰仍無
敵也○河上公曰雖欲仍引之心若無敵
可仍也○榮曰仍引彼敵使歸無敵也○

成疏物境空幻無敵可因

執無兵

御註執兵所以表殺今以慈為主故雖執
與無兵同○御疏執猶持也兵者五兵戈
矛之屬也夫執持兵者將欲殺敵以慈為

覆一

四

主自戢干戈則雖有兵本無殺意是則與
無兵同也○河上公曰雖欲執持之若無
兵刃可持用也何者傷彼之民罹罪於天
遭不道之君愍忍哀之痛也○榮曰傷彼
無道為此執兵以息兵刑期無刑未失慈

義慕道自歸無兵可執○成䟽離形去智
故無兵可用

第三明捨慈之人輕敵失道

禍莫大於輕敵輕敵幾亡吾寶

御註爲禍之大莫大於輕敵輕敵則殆喪

吾以慈之寶○御䟽幾近也亡失也寶謂
慈也夫爲禍之大莫大於輕侮前敵好事
交爭如此則近喪失吾以慈之寶矣且失
慈以戰則敗亡以守則離散代間之禍雖
非一途離散敗亡禍之大者也○河上公

曰禍莫大於輕敵夫禍亂之害莫大於欺
輕敵家侵取不休輕戰則敗亡也輕敵幾
喪吾寶幾近也寶身也欺輕敵家近喪身

○嚴曰輕敵者自專也戰雖萬全不可輕
易敵人輕敵姦生亡時失利福去禍來是

喪自然之寶也覆一○榮曰兵主於殺不可常五

行於有事道貴幽靜是故制物以無爲務
在安人不令有害若退失無爲之道進無
靜寇之兵輕侮前敵國破人亡禍之大也
國實人富主聖臣賢是名得寶人亡粟盡

臣辱主危失近吾寶也○成䟽禍莫大於
侮敵侮輕凌也敵前境也輕淒諸塵致三
塗之報故成大禍也侮敵則幾亡吾寶幾
盡也寶則前章三寶捨慈而勇謂之侮敵
招之巨釁故盡喪三寶

第四明涉境運智無出大慈

故抗兵相加哀者勝矣

御註抗舉也兩國舉兵以相加則慈哀於
人者勝也○御䟽抗舉也夫兩國舉兵以
相加則由其君用道其將以慈矜哀於人

不求多殺者獲勝矣○河上公曰故抗兵
相加兩敵相戰也哀者勝矣哀者慈仁士
卒不近於死也○嚴曰人主者國之腹心
兵者國之威神隱之玄域不得已而後行
是以喻我豪俊悅我士卒哀慈於人勸得
天助也○榮曰兩邊舉衆名曰抗兵多少
均齊故云相若輕敵無備貪而好殺者劣
也靜必依道動必以律不失於慈慈能制
物哀者勝也內明煩惱多端非智不破欲
陳其法故云用兵有言爲主必雄強作客

多雌弱行人欲息動歸靜知雄守雌故云
不敢為主而為客也明道若昧進道若退
學無所學修無所修不進寸而退尺也識
因緣之皆假達理教之俱空行無行也非
唯萬境虛寂抑亦一身空淨攘無臂也內
復一
亡智慧執無兵也外絕情欲仍無敵也若
也放情極欲失道喪身亡吾寶也智慧煩
惱二種恒隨抗兵相若也方便用於智慧
微妙不失慈悲漏盡或祛肅然無累哀者
勝○成疏若當也哀慈也抗舉也言根塵

相逼舉眼色等相當也仍以大慈之心虛
察前境則能所兩空物我清淨故一切諸
法皆成勝妙之境也

吾言甚易知章第七十

吾言章所以次前者前章

正明接物運權示真空之道故次此章即明所說之教歎物不能知就此

一章文開二別第一歎至教甚易知而凡不能解第二舉聖人妙達故外蔽內明

第一歎至教甚易知而凡不能解

虞典

曰道心唯微微則易鑒人心唯闇闇則難明驅驅流俗碌碌名利福輕如羽不知載之於身禍重如山不知避之於已凡迷倒置信哉斯言天下易

行無過正法不干不預無減無求佳
心何有之鄉縱志洞庭之野東西南
北盡豁達而無拘幽夜天堂並同塗
而總淨閑目則赴於瓊圃忘心則坐
於玉虛寂爾無隅於塵濛知者何為
而不易豈得屈強其志荒唐佚遊嗜
肥膩於朝舖滌色聲於愛著心情固
執惡業斯生淪於難捨之曹不悟易
行之教被禍之
聖良所哀哉

費復一

七

吾言甚易知甚易行

神註老君云吾所說言契理故易知簡事
故易行○御疏老君云我所言者以暢於
理理暢則言忘故易知也吾所事者事於
無事簡事則無為故易行也○河上公曰

老君言吾所言省而易知約而易行也○
嚴曰聖人言不言之言爲不爲之爲絕言
之道去心除意止爲之術去仁與智止術
去行歸於自然群生得志以至長存言易
知事易行○榮曰聖人言教詞約理豐昭
然義見易知也抱一絕於多惑無爲斷於
有累故易行也○成疏吾言即前章是也
所深非深此則易知也行無行相甚易行
也

天下莫能知莫能行

御註天下之人滯言而不悟煩事而不約
故莫能知莫能行也○御疏此歎衆生不
能了言無言執言而滯教惑於言教故莫
能知也不能悟事無事煩事而不約迷於
塵事故莫能行也○河上公曰惡柔弱好

剛強也○榮曰凡情不遵於玄教守愚未
開於智慧不識此道莫能知也迷淪有欲
弗習無爲棄正從邪莫能行也○成疏莫
無也老君之言甚易知易行而天下衆生
昏迷愚鈍無能知至言虛妙依教而行者

也

言有宗事有君

御註言者在理得理而忘言故言以無言
爲宗事者在功功成而不宰故事以無事
爲君爾○御疏此覆釋易知易行所由宗
本也君主也夫言者所以在理得理而忘
言故言以不言而爲宗本事者所以在功
成功而遣事以無事爲君主此豈不易知
易行耶○河上公曰我所言有宗祖根本
事有君臣上下世人不知者非我之無德

與我反○榮曰宗本也君主也以道德為
本其實易知以無為為主其實易行失本
逐末者多矣不體真宗放情違性者衆焉
乎知君主舉衆並皆如此故云天下莫能
知行也○成疏言經教也君天子也言教
雖廣宗之者重玄世事雖繁統之者君主
舉此旨要以表易知

夫唯無知是以不知我知

御註夫唯代人無了悟之知是以不知我
知言無事之教爾○御疏不知我知謂不知

我也夫唯代人迷惑無了悟之知封著名
相不能暢理於事執事於言滯言是以不
知吾教以無言無事之意又解云老君言
夫惟我所知唯在無知而天下之人用知
求知是以不知我也○河上公曰夫唯世

覆一

九

人無知是我道德之暗昧不見於外窮極
微妙故無知○榮曰物皆聞惑內無一毫
之鑒故云無知迷理失道外無萬境之智
故不吾知○成疏不吾知猶不知吾也唯
彼衆生無知頑鈍故不能知我之至言也

知我者希則我者貴

御註了知我忘知之意者希少法則不言
之教者至貴之爾○御䟽希少也則法也
老君言知我忘言契理之意者至希少也
若能法則我言而行之者則可尊貴矣○
河上公曰希少也唯達道乃能知我故爲
貴之也○榮曰役役之輩所重者名區區
之徒所愛者利少能體道故言知我者希
弱喪不歸歸之由於正路漂浪不反反之
入彼真源道在則尊法之爲貴也○成䟽

知我者希凡情浮淺蒙昧者多體知聖教甚自希少則我者貴則法也依我經教則而行之證於聖果所以爲貴

第二舉聖人妙達故外蔽內明

是以聖人被褐懷玉

御註被褐者晦其外懷玉者明其內故知我者希爾○御疏褐裘也賤者之服襲裘褐者所以蔽下之美衣也玉者潔而潤可以比德君子言此者欲明聖人內心慧了外狀如愚以如愚之狀故云被褐以慧了

之心故云懷玉○河上公曰被褐者薄外
懷玉者厚內也匿寶藏德不示人也○嚴
曰被褐者薄其身懷玉者厚其神○榮曰
順俗同塵外示麤服被褐也玄德無染純
白光生懷玉也○成疏知於聖言則於聖
教解行具足故成聖人褐是野人之服玉
是珍貴之寶外迹同塵被褐也內心虛靜
懷玉也懷玉也迹處俗而恒真被褐也心
虛凝而接物也

知不知章第七十一

知不知章所以
次前者前章明

聖人知道故外蔽內明故次此章明
雖復能知而多知無知相就此章
義分二別第一明迹本本迹顯應物
隨機第二明寂應應寂彰聖心無累

第一明迹本本迹顯應物隨機

允大聖之洪規檢欲慎微先賢之今
範故周公廟後黃金之口三緘夫子
定中白珪之言再復季布見重於一
語何曾奢至於萬錢約則清恬奢則

語屬劉昆舍道蒼漢帝稱顯然顏子
庶幾居孔門如愚昧豈同轟轟盜跖
逐利死於東陵察察江充讒毒亡於
正獄庾純相譏於市井便遭大禍孔
光不洩於温樹方乃全軀為者敗之
頃觀混沌之鑿不知妙矣必照歌器
之箴馬鈞百而致亡難養金而
勝矣聖人成病為我凡夫乎

知不知上不知知病

御註了法性空本非知法於知忘知是德
之上不知知法本性是空不知強知是行
之病○御疏夫法性本空而非知法聖人
悟此不有取相之知於知不著故云不知
是德之上此釋悟也不知知病者言常俗
之人不知知法本非真實於此無知之理
強謂有知有取著之縛所以爲行之病此
辯迷也○河上公曰知不知上知道不言
知是乃德之上不知知病不知道言知是
乃德之病也○嚴曰知而絕知不困於知

知故不生禍亂息矣不知知而絕知欲求
於知是病也○榮曰慧徹空有知通真俗
知也所照之境觸境皆空能鑒之智無智
不寂能所俱泯境智同忘不知也照如無
照知如無知此為上德也不知強知多知
多失傷身損命是知之病○成疏知不知
上聖人妙契重玄迹不乖本洞忘虛寂知
則無知至本虛凝故稱為上故莊子云知
子之不知耶曰吾惡乎知之不知知病自
本降迹無知而知涉事救苦故稱為病

第二明寂應應寂彰聖心無累

夫唯病病是以不病

御註夫唯能病強知之病是以病病強知所病○御疏衆生強知妄生見著而爲病惱夫唯能病強知之病於知忘知則不爲

強知所病故云是以不病○河上公曰夫唯病苦衆人有強知之病是乃不自病也聖人不病以其病病是以不病

御註唯聖人所以不病者以其病衆人強知之病是以不病也○御疏聖人正知元

明了悟實相於知忘知故不爲知之所病
所以者以其病凡夫有強知之病故說真
智以破之妄知之病既除真知之藥亦遣
故云不病也○河上公曰聖人不病以其
病病聖人無此強知之病者以其常若衆

覆一

十二

人有此病也是以不病以此非人也故不
自病夫聖人懷通達之智託於不知者欲
使天下質朴忠正各守純性小人不知道
意而妄行強知之事以自顯著內傷精神
減壽消年矣○榮曰聖本遺知是以不病

痛彼衆生有強知之病以其病病也痛惜
衆生雖爲軫慮而分別塵累不染聖人是
以不病也亦言以其病病者言衆人爲分
別之病所病也教以除分別忘知見既無
有爲之患故言是以不病也○成疏是以
聖人不病聖人能行所兩忘境智雙遣玄
鑒洞照御氣乘雲本迹虛夷有何病累以
其病病是以不病聖人無知覺之疵而凡
有分別之病爲病衆生之病所以降迹同
凡說法闡教志存救溺旣而不病而病病

而不病故不病也

人不畏威章第七十二
所以次前者

前章明聖心忘知而能應物之病故
次此章即顯治病之術愈病之方就
此一章義分三別第一明凡不畏威
必招惡報第二勸處心寬裕方會真
源第三明舉聖
證成示其取捨

覆一

十三

第一明凡不畏威必招惡報
夫上天

雷霆冥司有三塗五若苦人不畏破
裂須臾地獄之中極為辛苦隱隱搏
天之羽飛劫石而難周皎皎日月之
暉照幽塗而莫曉巖巖銅柱左右傷
身凜凜刀山縱橫碎骨魂魄號叫思
度脫而無聞出氣成煙吞鐵丸而獲
爛前生何罪得至於斯良由狹其所
居不修于命豈知唐堯化美廣闡四

門殷帝舍仁大開三面吉祥止止道
德淳淳其度量若大鵬之舉赤霄其
深沉似長鯨之躍滄海舉逸翻而縱
凌唳直壓雲天蓄巨鱗而鼓波濤橫
擊溟渤不知上下莫辯東西豈厭其
生以成偏狹去彼取此者聖人之圖
也

人不畏威則大威至

御註有威而可畏謂之威言人於小不畏
拙於慎微則至大可畏○御疏有威可畏
謂之威夫欲惡之來起於微末積成累
為彼大威人不知慎其細微則至於大可
畏也○河上公曰威害也人不畏小害則

大害至謂死亡也畏之者當愛精養神承
天順地○嚴曰昌衰吉凶皆由於已若不
畏微則必畏彰○榮曰威刑法也若不畏
於小罪積惡不休犯網觸羅亡身損命大
威至也內明不懼塵累縱欲不止欲縱則
精散形穢則神離神離則形敗精散則體
弊故入真道而無緣為生死之所害則大
威至○成疏威謂威刑即所謂經戒科目
是也大威即三塗惡趣北都羅剎之刑法
也言凡夫不憚經戒妄造諸惡者則遭風

刀大刑必將至也

第二勸處心寬裕方會真源

無狹其所居

御註神所居者心也無狹者除情去欲○
御疏神所居者心也人當忘情去欲寬柔

覆一

十四

其懷使靈府閑豫神棲於心身乃存也○
河上公曰謂心居神當寬柔不當急狹也
○嚴曰禍莫大於亡軀福莫大乎存身存
身之道莫過乎養神養神之要當靜心而
寬也○榮曰無狹其所居無厭其所生人

以所生爲樂受生爲貴不能閑居以養生
修善以防死流宕失鄉受著他處以他處
爲廣大以本鄉爲狹陋此狹其所居也長
惡傷行縱欲傷身動之死地不存久視厭
其生也勸言無者莫令如此也○成疏無
狹其所居無厭其死生厭捨也狹劣也居
安處也所生心也言修道行人必須處心
無係不得域情狹劣厭離所生何者夫身
雖虛空而是受道之器不用耽愛亦不可
厭憎故耽愛則滯於有爲厭憎則溺於空

見不耽不厭處中而忘中乃守真學者也
無厭其所生

御註身所生者神也無厭者少思寡欲不
勞倦也○御䟽身所生者神也厭惡也人
由神而生故謂神爲所生也神明記虛好

覆一

十五

靜人當洗心息慮神自歸之若嗜欲黷神
營爲滑性則精氣散越散越則生亡故勸
令無厭所生之神以存長久之道○河上
公曰人所以生者以有精神託空虛喜清
靜飲食不節忽道念色邪僻滿腹爲伐本

厭神也

夫唯不厭是以不厭

御註夫唯不厭神是以神亦不厭人爾○
御疏善貸曰道資形者神人能愛道存神
故云夫唯不厭除垢止念惟精惟一神不
厭人故云是以不厭○河上公曰夫唯獨
不厭精神之人洗心垢濁恬泊無欲則精
神居之不厭也○榮曰通生由道成形藉
神若能愛道存神故云夫唯不厭除垢止
念志靜形清神既附人道亦愛己言是以

不厭也○成疏唯被所修之境非空非有
故能修之智亦不愛不憎憎智相符是以
不厭也

第三明舉聖證成示其取捨

是以聖人自知不自見

御註是以聖人自知不自見自愛不自貴
自知其身防可畏之事自愛其身無厭神
之咎不自見其能以犯患不自貴其身以
聚怨去此自見自貴取此知愛也○御疏
自知者返照內省防害於微今無可畏之

事不自見者不自彰見其才能炫耀於物
違理失當以招患也○河上公曰是以聖
人自知自知已之得失也不自見不自顯
見德美於外藏之於內也○榮曰故聖人
自知不自見自愛不自貴故去彼取此凡

覆一

十六

情失道乃為無識聖智達理故曰自知忘
於人我泯於聞見故曰不自見寶神惜氣
固精志道不輕此生故云自愛不自大以
賤小不尊行以加人忘於高下故言不自
貴自知自愛者悟理自見自貴者迷方聖

人說已化物使物知歸去彼自見自貴之
悟物取此自知自愛以全真○成疏智符
道境了達真源故自知也四大假合坐忘
墮體不自見也

自愛不自貴

御疏聖人自保愛其身絕去嗜欲令神不
厭身不自貴者不自矜貴其身凌虐於物
以聚怨爾○河上公曰自愛自愛其身以
保精氣也不自貴不自貴高榮名於世也
○成疏保養真性不輕染欲自愛也謙卑

靜退先物後已不自貴也

故去彼取此

御註去彼見貴取此知愛○御疏去彼自見自貴取此自知自愛聖人得平等智了法性空理無去取開教引凡寓言之爾○

覆一

十七

河上公曰去彼自見自貴取此自知自愛也○成疏去彼自見自貴取此自知自愛欲示物鑒戒故寄去取為言也

道德真經玄德纂疏卷之十八



